

# ANGAJOQQAAT ISUMAQTIGIISSUTAAT



## Ilinniartitsisup ilitsersuutaa

Angajoqqaat isumaqatigiissutaannut najoqqutassiap meeqqat ulluinnarni illersorneqarnissaat aammalu aarlerinartorsiorsinnaanerak ukkataraa. Angajoqqaat ilitsersuunneqassapput qanoq atuaqatigiit iluanni atugarissaarnissaq kiisalu meeqqat tarnimikkut peqqissuunissaat siuarsarneqarnissaannut isumaqatigiissutuliornissaq. Aammalu angajoqqaat qanoq imminnut ikorfartoqatigiissinnaanerminnik ilitsersuunneqassapput meeqqat imigassamik, hashimik tupamillu toqqaannginnissaat anguniarlugu.

### Angajoqqaat isumaqatigiissutaanni siunertarineqartut

Qeqqata Kommuniata meeqqat inuusuttullu peqqissusaasa inuulluataarnisalu siuarsarneqarnissaannut angajoqqaanik ammasumik oqaloqateqarnissaq qanimullu suleqateqarnissaq kissaatigivaa.

Angajoqqaat akornanni ataatsimut isumaqatigiissusiorneq pingaaruteqartorujussuuvog, ulluinnarni meeqqat atugaannut pitsaasumik toqqissisimanartumillu sinaakusiinissamat qulakkeerinnissinnaammat. Angajoqqaat akornanni suleqatigiilluarneq ilaatigut qinngasaarut-tarnermut aammalu aanngajaarniutinik atuinissamat pinaveersaartitsisuusinnaavoq, aammalu ulluinnarni meeqqat inersimasullu toqqissisimasumik atugarissaar-tumillu inuuneqarnissaannut peqataasinnaalluni.

Angajoqqaat isumaqatigiissuteqarnermikkut, atuarfiup angajoqqaallu klassimi ataatsimoorneq atuartunut misigitissavaat.

Angajoqqaat isumaqatigiissutaat angajoqqaanut ataatsimiisitsinermit sananeqassaaq.

### Ingerlariaaseq

#### Angajoqqaat aggersarneqarnerat

- Intra-kkut, allakkatigut, allagarsiinikkut, inuit attaveqaataasigut il. il. atorlugit angajoqqaanik aggersaaneq pissaaq. Angajoqqaat ataatsimiinnerat alloriarfikkuutaartumik, klassikkuutaartumik imal. 5. aamma 10. klassini atuartut tamarmik angajoqqaavi takkutissanersut eqqumaffiqeqassapput. (Arki 1, 2, 3, 4)
- Angajoqqaanik ataatsimiigiqqusineq ilutigalugu angajoqqaanut quppersagaq tunniunneqassaaq. (Arki 4)

#### Angajoqqaat ataatsimiinneranni ingerlariusissaq

- Angajoqqaat najukkami HBSC-imit misissuinermit inernernik aamma angajoqqaat isumaqatigiissutaannut tunngaviusunik pissutsit illersuutaasinnaasunut aarlerinartorsiorsinnaanermillu tunngasunik saqqummiiviqeqassapput. (Arki 5, 6, 7)
- Angajoqqaat klassimi ukioqatigiikkutaat malillugit isumaqatigiissusiussapput. (Arki 8)
- Angajoqqaat isumaqatigiissutaat allaganngortinneqassapput ataatsimiinnerup naammassineqarneratigut. (Arki 9)

#### Ataatsimiinnerup kingorna pisussat

- Angajoqqaat ataatsimeeqataannigisut angajoqqaat isumaqatigiissutaat pillugu inaarutaasumik allakkiamik akuerisassaminnik aamma ilassuteqarfigisinnaasamin-nik nassinneqassapput.
- Angajoqqaat ataatsimiinneranni angajoqqaat isumaqatigiissutaannik attassiinnarnissaq qanoq pissanersoq ilinniartitsisut angajoqqaallu nalilersussavaat
- Ukioq ataaseq qaangiuppat angajoqqaat isumaqatigiissutaat saqqummiunneqatigissaaq oqaluuserineqarlunilu. Pisariaqartinneqassappat angajoqqaat isumaqatigiissut iluarsaatissavaat

#### Atortunut tunngasut

1. Ilinniartitsisunut ilitsersuut.
2. Angajoqqaanut qaaqqusissut.
3. Plakati - qaaqqusissut.
4. Angajoqqaanut quppersagaq.
5. Angajoqqaanut ataatsimiisitsinermit saqqummiussineq. Power-pointimik saqqummiussat.
6. Illersuutaasinnaasut aarlerinaataasinnaasullu. Nerrivinnut ilisassaq.
7. Paasissutissat: HBSC-mit misissuinermit kisitsisit nutaanerpaat.
8. Immersugassaaq. Angajoqqaat suleqatigiinnerminni atugassaat.
9. Angajoqqaat isumaqatigiissutaat pillugu allakkiaq.

# Qaffariarfikkuutaarlugit imatut ingerlatsissaatit

## SAP. AK. 3 SIOQQULLUGU

1. Atortut ilisima-saqarfigikkit

2. Piareersarneq

## SAP. AK. 2 SIOQQULLUGU

3. Angajoqqaat isumaqataaffigisaat/tapersuinerat.

4. Angajoqqaat isumaqatigiissutaat pillugu ataatsimiinnis-samut saqqummiussaq

5. Angajoqqaanik ataatsimiititsineq suleqatigiisitsineq

### 1. Atortut ilisimasaqarfigikkit

Atortussat atuarluakkit.

Angajoqqaat isumaqatigiissutaat pillugit ataatsimiinnginnermi aallaaviussaaq HBSC-mit inernerit nutaajunerpaat. aamma illersuutitut pissutaasut aarlerinaataasinnaasunullu tunngasut.

### 2. Piareersarneq

Ataatsimiinnissamut piareersarneq aallartiaarsiuk.

- Ataatsimiinnissamut ulloritaaq piffissarlu.
- Angajoqqaat trin-ikkaarlugit agguataarneqassappat imaluunniit angajoqqaat tamarmik ataatsikkut qaaqquneqassappat?
- Atuarfimmi qatanngutinik nukarliunerusunik paarsisoqarnissaa aamma unnukkorsiutinik neqeroortoqarnissaa pisariaqartinneqarnersut eqqarsaatigisiuk, taamaalilluni angajoqqaat ataatsimiinneranni peqataasussat amerlanerussammata.
- Ataatsimut saqqummiinerit atuarfiup sortaani ingerlanneqassappat?
- Angajoqqaat eqimattakkaarlutik sulinissaat sumi ingerlanneqassava?
- Nutserisoqassava imaluunniit nutserinermut atortorissaarutinik peqassava?
- Attaveqarniarnermut atortorissaarutit sorliit ataatsimiinnermi atugassaappat?

### 3. Angajoqqaat isumaqataaffigisaat/tapersuinerat

Angajoqqaat isumaqatigiissutaat pillugu ataatsimiinnissaq sioqqutingaatsiarlugu tamanna angajoqqaanut attaveqattikkut, inuit attaveqaataasigut aamma illoqarfimmi allagarsiinikkut paasissutissiisutigiisuk. Piffissaalluarallartillugu angajoqqaat ataatsimiinnissaanut ataatsimiigiqqussut aamma pissutsit illersorneqarnissamut aarlerinartorsiorsinnaanermullu tunngasut nassiussigut.

### 4. Angajoqqaat isumaqatigiissutaat pillugu ataatsimiinnissamut saqqummiussaq

**Piffissaq tamakkiisoq: Minutsit 30-t**

Angajoqqaanut ataatsimiisitsinermut saqqummiussannut piareersarit.

Angajoqqaat isumaqatigiissutaat pillugu ataatsimiinnermi PowerPointimik saqqummiussaq pingaarnersaavoq taanalu iluaqutigalugu saqqummiussani tamani ilitsersorneqassaasi.

- Saqqummiussaq nr. 1 – Aallartisarneq Unnuup ingerlanissaanik saqqummiussaq.
- Saqqummiussaq nr. 2 Film.
- Saqqummiussaq nr. 8 Pissutsit illersorneqarnissamut aarlerinaataasinnaasunullu tunngasut.
- Saqqummiussaq nr. 11 HBSC-mi angusat, atugarisarneq aamma meeqqani 5.-10. klassini atuartut aanngajaarniutinik atuinerat misissuinermit angusanik saqqummiussineruvoq.
- Saqqummiussaq nr. 14 Angajoqqaat isumaqatigiissutaannik ilisarititsineq. Angajoqqaat eqimattakkuutaanermik sulinermut ilisaritinneqassapput.

### 5. Angajoqqaanik ataatsimiititsineq suleqatigiisitsineq

**Piffissaq tamakkiisoq: Minutsit 75-it**

1. Ilisarititsineq aamma angajoqqaat sisamanik – arfinilinnik peqataaffigisaannut suleqatigiinnut agguataarneqarnerat – takkuttut amerlassusiat apeqqutaalluni (minutsit tallimat missaat)
2. Immersugassaq allaatisallu angajoqqaanut tunniutikkut.
3. Angajoqqaat suleqatigiit tamarmik immikkut pingasunik sammisaqassapput, suleqatigiinni meeqqat peqqissusiannut atugarisarneanullu siuarsaataasinnaasut pillugit isumaqatigiissusiornissamut pingaarutilittut suleqatigiinnit isigineqartut. (30 minutsit missaat)
4. Angajoqqaat suleqatigiit tamarmik immikkut ataatsimoortumik isumaqatigiissutissanut siunnersuutinik pingasunik allattuissapput. (10 minutsit missaat)
5. Angajoqqaat suleqatigiit tamarmik immikkut ataatsimoortumik isumaqatigiissutissat pillugit oqallinnermi naatumik saqqummiussapput. (15 minutsit missaat)
6. Ilinniartitsisup isumaqatigiissutit ingerlaavartumik allattarfissuarmut allattussava, qulequttanut immikkoortillugit.
7. Suleqatigiit tamarmik immikkut saqqummiussereerpata isumaqatigiissutit pingasut – tallimat taasissutigineqassapput isumaqatigiissutillu taakku angajoqqaat isumaqatigiissutaat pillugu ilisserummumut allanneqassapput. (10 minutsit missaat)